

Esse in maledictis iam antiquis strigem conuenit: sed quæ sit auium, constare non arbitror.

Notabilia animalia quæ mammis. CAP. XL.

**A** Sinis à fœtu dolent, ideo sexto mēse arcēt partus, cū equa anno prope toto præbeāt. Quibus solida unguis, nec supra geminos fœtus, hæc omnia binas habent mammis, nec aliubi quæ in feminibus. Eodem loco bisulca & cornigera: boues quaternas, oues capræque; binas. Quæ numerofo secunda partu, & quibus digiti in pedibus, hæc plures habēt toto ventre duplici ordine, ut sues: generose duodenas, vulgares binis minus. Similiter canes. Alia ventre medio quaternas, ut panthera: alia binas, ut leona. Elephas tantum sub armis duas: nec in pectore, sed citra in alis occultas. Nulla in feminibus, digitos habētium. Primis genitis in quoque partu sues primas præbēt: eæ sunt faucibus proximæ: ut suam quisque nouit in fœtu quo genitus est ordine, eaque alitur nec alia: detracto illa aliuo suo steriles cit ilico, ac resilit. vno vero ex omni turba relicto, sola munifex, quæ genito fuerat attributa, descendit. Vrsa mammis quaternas gerunt. Delphini binas in ima aluo papillas tantum, nec euidentibus, & paulo in obliquum porrectas. Neque aliud animal in cursu lambitur. Et balena autē vituli que; mammis nutriunt fœtus.

De lacte, & vnde caseus non fiat. CAP. XLI.

**M** Vlieri ante septimum mensem profusum lac, inutile. Ab eo mense, quæ vitalis est partus, salubre. Plerisque autē totis mammis, atque etiā alarū sinus fluit. Cameli lac habent donec iterū grauescant. Suauissimum hoc existimatur, ad vnam mensuram tribus aquæ additis. Bos ante partum non habet. Ex primo semper à partu colostrum sunt: quæ nisi admisceatur aqua, in pumicis modum coeunt duritia. Asinae prægnantes cōtinuo lactescunt. Pullis earum, vbi pingue pabulum, biduo à partu maternum lac gustasse letale est. genus mali vocatur colostratio. Caseus non fit ex vtriusque dentatis, quoniam eorum lac non coit. Tenuissimum camelis, mox equis. crassissimum asinae, ut quo coaguli vice vtantur. Cōferre aliquid et candori in mulierum cute existimatur. Poppea certe Domitij Neronis coniunx, quingentas secum per omnia trahens fœtas, balnearum etiam folio totum corpus illo lacte macerabat, extendi quoque cutem credens. Omne autem lac igne spissatur, frigore serescit. Bubulum caseo fertilius quæ caprinum, ex eadem mensura pene altero tãto. Quæ plures quaternis mammis habent, caseo inutilia, & meliora quæ binas. Coagulum hinulei, leporis, hædi laudatū. Præcipuum tamen dasypodis, quod & profluuium alui medetur, vnius vtriusque dentatorum. Mirum barbaras gentes quæ lacte viuant, ignorare aut spernere tot seculis casei doctem, densantes id alioquin in acorem iucūdum, & pingue butyrum: spuma id est lactis, concretiusque; quàm quod serum vocatur. Non omittendum in eo olei vim esse, & barbaros omnes infantesque; nostros ita ungi.

De diuersitate caseorum. CAP. XLII.

**L** Aus caseo Roma, vbi omnium gētium bona communis iudicatur: è prouincijs Nemausiensi præcipua Lesura Gabalici que pagis, sed breuis ac musteo tantum commēdatio. Duobus alpes generibus pabula sua approbāt. Dalmatica Docleatem mittit, Centronica Vatusicum. Numerosior Apemino. Cebanum hic è Liguria mittit, ouium maxime lactis: Aesinatem ex Umbria: mixtoque; Hetruria atque Liguria consinio, Lunensem magnitudine conspicuum: quippe & ad singula milia pondo premitur. Proximū autem vrbi Vestinum, eumque; è Cæditio campo laudatissimum. Et caprarū gregibus sua laus est. Agrigenti maxima, eam augente gratiam fumo, qualis in ipsa vrbe conficitur, cunctis præferendus. Nam Galliarum sapor medicamenti vim obtinet. Trans maria vero Bithynus fere in gloria est. Inesse pabulis salem, etiam vbi non detur, ita maxime intelligitur, omni in salem caseo senescente: quales redire in musteum saporem, aceto & thymo maceratos, certum est. Tradunt Zoroastrem in desertis caseo vixisse annis viginti, ita temperato, ut vetustatem non sentiret.

Differentia membrorum hominis à cæteris animalibus. CAP. XLIII.

**T** Errestrium solus homo bipes. Vni iuguli, humeri, cæteris armi: vni vlna. Quibus animalium manus sunt, intus tantum carnosæ: extra, neruis et cute constant. Digiti quibusdam in manibus seni: M. Curiatij ex patricia gente filias duas ob id Sedigitas appellatas accepimus, & Volcatium Sedigitum, illustrem in poetica. Hominis digiti articulos habent ternos, pollex binos, & digitis aduersus vniuersis flectitur: per se vero in obliquum porrigitur, crassior cæteris. Huic minimus mensura par est: duo reliqui sibi, inter quos medius longissime protenditur: Quibus ex rapina victus quadrupedum, quini digiti in prioribus pedibus, reliquis quaterni. Leones, lupi, canes, & pauca in posterioribus quoque quinos unguis habent, vno iuxta cruris articulum dependente: reliqua quæ sunt minora, digitos quinos. Brachia non omnibus paria secum. Studioso Thraci in C. Caesaris ludo notum est dextram fuisse proceriorem. Animalium quædam, ut manus, vtuntur priorum ministerio pedum, sedentque ad os illis admoventia cibos, ut sciuri.

De simiarum similitudine. CAP. XLIIII.

**N** Am simiarum genera perfectam hominis imitationē continent, facie, naribus, auribus, palpebris, quas solæ quadrupedum & in inferiore habent gena. Iam mammis in pectore & brachia, & crura in cōtrariū similiter flexa: in manibus unguis, digitos, longioremque; medium. Pedibus paulum differunt. Sunt enim vt manus prælongi, sed vestigium palme simile faciunt. Pollex quoque; his & articuli vt homini: ac præter genitale, & hoc in maribus tantum, viscera etiam interiora omnia ad exemplar.

De ungui